

Ն Ե Ր Ա Մ Ո Ւ Թ Յ Ո Ւ Ն

Հասարակության կյանքում ու կենցաղում խոշոր դեր խաղացող նյութերից մեկը՝ ապակին մարդն ստեղծել է հետավոր անցյալում, 5—6 հազար տարի առաջ։ Նրա հայտնագործման վայրը դեռևս ստույգ հայտնի չէ։ Գիտնականներից ոմանք առաջնությունը տալիս են Նգիպտոսին, մյուսները՝ Առաջավոր Ասիային։ Վերջին տեսակետը պիստուկանոյ գիտնականներից Ֆլինդերս Պետրին, անցյալ դարի վերջերին, ենթադրում էր, թե ապակյա ամենահին առարկաները պատրաստվել են Միջագետքի հյուսիսային շրջաններում կամ, հնարավոր է, Կովկասում, որտեղ ապակու արտադրության կենտրոններն ավելի վաղ են գոյություն ունեցել, քան մյուս երկրներում, այդ թվում նաև Նգիպտոսում։ Նրա կարծիքով, Նեղոսի փերին գտնված ապակյա առարկաները, որոնք վերաբերում են 1-ին դիմաստիայի դարաշրջանին (III հազարամյակի սկիզբ) կամ նույնիսկ ավելի վաղ ժամանակներին, ներմուծվել են Ասիայից։ Թեև Ֆլինդերս Պետրիի առաջադրած վստեկածը պաշտպանություն է գտնում ուսումնասիրողների մի մասի կողմից, սակայն Միջագետքում և Կովկասում հայտնաբերված III—II հազարամյակին պատկանող նյութերի սակավությունը թույլ չի տալիս առաջնությունը տալու այս կամ այն երկրին։ Հնարավոր է, որ ապակին հայտնագործվել է իրարից անկախ տարբեր ժողովուրդների մոտ, տարբեր ժամանակներում։

Ապակյա հնագույն հայտնի առարկաները, գլխավորապես ուլունքներ և կնիքներ են, որոնք քարե ուլունքների և կնիքների ընդօրինակությունն են։ Դրանք պատրաստ-

վում էին սովորական վառարաններում ցածր ջերմաստիճանի տակ ստացվող ապակու զանգվածից (պաստալից)։ Ինչ վերաբերում է ապակյա անոթներին, ապա սրանք պատրաստում էին հետևյալ եղանակով. կավի և ավազի խառնուրդից կազմված կաղապարի վրա փաթաթում էին տաֆ և փափուկ ապակու թելեր, մինչև որ այն ծածկվեր ապակու շերտով, այնուհետև ֆանիցս տաֆացնելով և հղկված ֆառե սալի վրա գլորելու միջոցով հարթեցվում էր անոթի մակերեսը։ Անոթի արտափերը ձևավորել-մշակելուց հետո, թողնում էին, որ այն սառչի, որից հետո հեռացվում էր կավից ու ավազից կազմված կաղապար-միջուկը։ Այս եղանակով պատրաստված անոթների ներսը անհարթ էր լինում։ Հաջորդ դարերում տեխնիկայի ընդհանուր վերելքի և ապակեգործության զարգացման տղայմաններում ապակու մշակման նոր մեթոդներ առաջ եկան։ Արդեն հելլենիստական շրջանում, բարձր ջերմաստիճան ստանալու շնորհիվ, բարելավվեց ապակու բաղադրությունը, որը մոտեցավ այսօրվանին։ Ամենակարևոր գյուտը, որը հեղաշրջում առաջացրեց ապակեգործության տեխնիկայի մեջ, վիշելու եղանակի հայտնագործումն էր, որը տեղի ունեցավ մեր թվականության նախօրյակին։

Այդ գյուտի ժամանակի և տեղի վերաբերյալ ևս տարակարծություններ կան։ Գիտնականների մի մասը նախապատվությունը տալիս է Ալեքսանդրիային, մյուսը՝ սիրիական ֆաղափներին։

Բոլոր դեպքերում և Ալեքսանդրիան և Սիրիայի Սիդոն ֆաղափը այդ ժամանակա-

շրջանի ապակեգործության ամենախոշոր ու ամենագարգացած կենտրոններն էին, ուստի դժվար է նախապատվություն տալ նրանցից որևէ մեկին: Շատ հնարավոր է, որ մթա. I դարում այդ գյուտն արվել է և Սիրիայում և Եգիպտոսում միաժամանակ կամ ժամանակի ոչ մեծ տարբերությամբ: Տվյալ դեպքում կարևորն այն է, որ վիշելու եղանակը հնարավորություն տվեց բազմազան նոր ու ինքնատիպ ձևեր ստեղծել, անցնել ապակեղենի մասսայական արտադրության, որն իր հերթին իջեցրեց ապակյա առարկաների արժեքը, նպաստեց նրանց տարածմանը:

Հայաստանում առայժմ ապակու ամենահին գյուտերը համարվում են կնաշենի մթա. II հազարամյակի կեսերին պատկանող դամբարաններից հայտնաբերված ուլունքները, որոնք պահպանվում են Հայաստանի պետական պատմական թանգարանում:

Հայաստանից գտնված վաղ շրջանի ապակու ամենահետադիմ օրինակներից են 1953 թ. Կարմիր-բլուրում հայտնաբերված կանացի ֆիգուր պատկերող սկահակի վերին մասը և ալաբաստրոնի վիզը, որոնք, ինչպես պարզված է, հոռոպյան ծագում ունեն: Նրկուսն էլ պատրաստված են անթափանցիկ հարթ ապակուց, առաջինը՝ կավե կաղապարի մեջ, երկրորդը՝ ավազե միջուկի օգնությամբ: Կարմիր բլուրից հայտնի են նաև զանազան ուլունքներ, դրանց թվում նաև այնպիսիները, որոնք պատրաստված են բարձրորակ թափանցիկ ապակուց և հավանաբար միջազետվյալ ծագում ունեն: Ապակյա ուլունքներ, կնիքներ և հարմանդներ հայտնաբերվել են նաև Հայաստանի վաղ հայկական (VI—IV դդ. մթա.) և հելլենիստական (III—I դդ. մթա.) դարաշրջանների մի շարք հուշարձաններում. նրանց մի մասը արտադրվել է տեղում:

Հնագիտական հայտնադործումները վերջում են սակայն, որ Հայաստանում ապակյա իրերն ու առարկաները լայն տարածում են ստանում մ. թ. առաջին դարերում:

Հայաստանում հայանաբերված այդ շրջանի ապակին պատրաստման տեխնիկայի, գույների ու ձևերի բազմազանությամբ մեծ հետաքրքրություն է ներկայացնում ոչ միայն Հայաստանի, այլև ընդհանրապես հին աշխարհի ապակեգործության ուսումնասիրության համար:

Հայաստանի հնագիտական հուշարձանների սնտիկ ապակույն նվիրված այս պրակում ներկայացված է շուրջ 150 իր, որոնց գերակշռող մասը ապակյա անոթներ են: Առանձին բեկորների տեսքով մեզ հասած սրվակների կողքին հետազոտողն իր տրամադրության տակ ունի մոտավորապես 120—130 ամբողջական կամ միայն մասամբ թերի ապակյա անոթներ:

Այս նշանակալից հավաքածուի ուսումնասիրությունը կարևոր տվյալներ է հայթայթում Հին Հայաստանի և անտիկ աշխարհի ապակեգործության, Հայաստանի այլ երկրների հետ ունեցած առևտրական կապերի մասին: Ներկայացվող ապակեղենը, բացառությամբ երկու նմուշից, որոնցից մեկը բերվել է Մակվից, մյուսը Լեոնային Ղարաբաղից, հայտնաբերվել է Սովետական Հայաստանի տերիտորիայում: Դրա ստվար մասը ի հայտ է եկել Գառնիում 1949 թ. սկսված պեղումների շնորհիվ, անտիկ շրջանի դամբարանադաշտից, ամրացի կոլտնտրական շերտից, ինչպես նաև շինարարական աշխատանքների ժամանակ: Մյուս մեծ խումբը հայտնաբերվել է Վաղարշապատի դամբարաններից 1926—1930 թթ. հետախուզական և 1931—1932 թթ. հատուկ ծրագրով կատարված պեղումների ժամանակ, որոնք ձեռնարկվել էին Հին Վաղարշապատի տեղադրությունը պարզելու նպատակով: Պեղումների շնորհիվ ձեռք բերված նյութերից են նրվանդ Լալայանի կողմից Սևանի ավազանի զամբարաններից հայտնաբերված անոթները: Անոթների և սրվակների մի խումբ էլ գտնվել է պատահաբար շինարարական աշխատանքների ժամանակ, ինչպես օրինակ Սևանի ավազանում՝ Սևան ֆաղափից, Քարաձի, Վերին Գետաշեն, Մովինար, Լհաշեն գյուղերից, Թալինի շրջանի Աշնակ գյուղից, Կողբի շրջանից, Աբով-

յանի շրջանի Գեղադիր, Քյուլլուջա գյուղերից. Արտաշատի շրջանի Գետաշեն և Վերին Արտաշատ գյուղերից:

Ինչպես պարզվում է, ապակյա անոթների գերակշռող մասը հայտնաբերվել է դամբարաններից: Այդ հանգամանքը զգալի չափով կանխորոշում է ապակեղենի բնույթը: Դամբարաններում գտնված սրվակները հիմնականում անուշահոտ յուղերի և օծանելիքների, ինչպես նաև մածուկների համար էին օգտագործվում և ննջեցյալի հետ դրվում էին գերեզմանում՝ նրան հանդերձյալ կյանքում ծառայելու համար: Բացառություն կարող են կազմել կոլբայաձև մեծ անոթը և մեկ երկու այլ անոթ (ֆառանիստներից) որոնք հավանաբար կիրառություն էին գտել տնտեսության մեջ որպես սեղանի սպասք, ջրի կամ ռեկէ այլ խմիչքի համար:

Հայաստանի անտիկ ապակու հավաքածուն երևան է բերում ձևերի, չափերի և համամասնությունների նկատելի բազմազանություն: Այդ հավաքածուում մենք հանդիպում ենք կոլբայաձև, գնդաձև, ձվաձև, գլանաձև, բազմանիստ անոթների՝ իրենց տարբերակներով: Ձևի անհատական առանձնահատկություններով աչի են ընկնում ամֆորաձև, տանձաձև, արմավի նման, մարդկային դեմք պատկերող անոթները: Ապակյա անոթների զգալի մասը անկանթ է, մյուսներն ունեն մեկ կամ երկու կանթ:

Գտնելի դամբարաններում հայտնաբերված վեցանիստ անոթի հատակին հունարեն տառերով դրոշմված է «Դերմանոս» անունը: Հատուկ անունների առկայությունը ապակյա անոթների հատակին և պատերին տարածված երևույթ էր անտիկ աշխարհում և նշում էր ապակեգործի, արհեստանոցի կամ անոթի տիրոջ անունը: Հայաստանում գտնված այս անոթի հատակին հավանաբար դրոշմված է պատրաստող արհեստավորի անունը:

Ձգալի բազմազանություն է նկատվում անոթների գույների և երանգների մեջ: Հանախ հանդիպող կանաչավուն, երկնագույն սրվակների երանգը պայմանավորված է նուրբի՝ ավազի պարունակած բնական խառնուրդներով: Մյուս գույները ստացված

են արհեստական ձևով՝ ապակու զանգվածի մեջ մետաղի այս կամ այն թթվուկի (օֆսիդ) խառնելու ճանապարհով:

Մանուշակագույն հոյակապ անոթները ստացվում են մարգանցի թթվուկի խառնուրդից, սպիտակ, կաթնագույն անոթները՝ կապարի, արնիճի թթվուկի, մուգ կապույտը՝ կոբալտի խառնուրդի միջոցով: Հայաստանում հանդիպում են կանաչավուն, կապտավուն, դեղնավուն, շագանակագույն, մանուշակագույն ապակիներ իրենց համապատասխան երանգներով: Հանդիպում է նաև անգույն (սպիտակ) ապակի:

Կոլբայաձև սրվակների մեջ գերակշռում է կանաչավուն և երկնագույն երանգը, մյուսների՝ հատկապես կաղապարի օգնությամբ պատրաստված անոթների մեջ շագանակագույնը և մանուշակագույնը:

Հայաստանում հայտնաբերված ապակեղենը մեծ բազմազանություն է երևան բերում նաև պատրաստման տեխնիկայի տեսակետից:

Այդ ապակեղենի ուսումնասիրումը ցույց է տալիս, որ նրա արտադրման ժամանակ կիրառվել են ապակեգործական տեխնոլոգիայի հիմնական, այն է՝ գլանման, ազատ փշման, կաղապարի մեջ փրշման եղանակները, ինչպես և տափ և սառը մշակման տարբեր ձևերը:

Հաստ պատերով, ծանր ու մասսիվ սրվակները, կոպիտ արտափնեով պատրաստված են ոչ թե վիշելու եղանակով, այլ ձևավորվել են ձեռքով: Ապակե զանգվածը դեռևս տափ վիճակում հազգվում էր հատուկ ձողի վրա և ապա գլորելու, գլանելու եղանակով ստացվում էր ակնկալած կոլբայաձև սրվակը:

Հայաստանի անտիկ ապակեղենի մեծ մասը ազատ վիշելու եղանակով է պատրաստված: Ապակեգործը վիշելու խողովակի ծայրով վերցնում էր համապատասխան ֆանակությամբ ապակյա զանգված, ապա վիշելու ու խողովակին տարբեր դիրք տալու ու փարե սալի վրա գլորելու եղանակով ստանում էր ցանկացած ձևը:

Պատրաստվող անոթները հանախ են քարկվում կին նաև տափ և սառը մշակման: Դեռևս չսառած անոթին փակցվում էր

ինքնատիպ ձևի՝ հսկայական անոթի ամբողջությամբ լրացնող կանթը կամ կանթերը, կամ կլոր ոտքը՝ հատակին, երբեմն շուրթը:

Հատուկ ունեւորով կամ բռնիչով սեղմվում էր իրանից դեպի վիզը անցման տեղը, սրբահատկապես նկատելի է կալթայան սրբավանդների վրա: Հատակին կուտակված ապակույց տաք վիճակում ձգվում էին ոտքեր: Ավելի ուշ ժամանակաշրջանի համար բնորոշ է դառնում վերադիր գոտիներով հարդարելու եղանակը: Թելի նման բարակ կամ ժապավենի նման լայն ապակյա գոտիները դեռևս տաք վիճակում միացվում էին անոթի մակերեսին, կազմելով սպիրալաձև, ալիքավոր, ցանցաձև և այլ զարդեր: Նման զարդերով անոթների խմբի լավագույն նմուշներից է № 87 թասը, որն իր գույահեղուներն ունի Արևմտյան Եվրոպայի ապակեգործական կենտրոնների արտադրանքի մեջ: Նույն տեխնիկայով պատրաստված սպիրալաձև զարդերով սրվակի գեղեցիկ օրինակ է № 89 անոթը, որը հավանաբար ներմուծվել է Սիրիայից: Գոտիները և հարդարվող անոթները հաճախ միևնույն գույնի էին. բայց հանդիպում են նաև այլ գույնի գոտիներ: Իբրև օրինակ կարելի է նշել № 86 գնդաձև իրանով սրվակը, որը պատրաստված է անգույն, ոչ շատ բարակ ապակույց, ծածկված է շագանակագույն գիգգաձև զարդերով, որի շնորհիվ ստացվել է երկու գույների գեղեցիկ խաղ: Ժապավենաձև գոտիները զարդարվում էին նաև գուլահեղ գծիկներով, որով օձի կերպարան էին ստանում: Նման գոտիներով զարդարված անոթների վրա երբեմն հանդես էր գալիս օձի գլուխը հիշեցնող զուրդ: Այդ պատճառով նման անոթների խումբը հայտնի է օձաժապավենազարդ ապակեղեն անվան տակ: Այս խմբի համար բնորոշ մի օրինակ պետք է համարել № 85 սրվակը: Սահիբներում և Բորիում (Վրաստան) գտնված նման սրվակների հետ միասին այն կրկին անգամ ստիպում է բնության առնել օձաժապավենաձև զարդերով սրվակների առաջացման և արտադրման կենտրոնների հարցը:

Տաք մշակման օրինակ կտրող է ծառայել նաև կմախքի միջոցով՝ ունեւորով իրանի պատերի վրա արված ուռուցիկ զարդեր-

րի պատրաստումը, ինչպես նաև իրանի կողերի ներհկումը:

Սառը մշակումը կատարվում էր անոթը լրիվ պատրաստելուց հետո, երբ անոթի մակերեսը ենթարկվում էր մեխանիկական ներգործության: Սառը մշակման ձևերն էին փորագրությունը, տաշելը, հղկելը: Առաջինը կատարվում էր ձեռքով՝ փորիչի օգնությամբ: Տաշելը և հղկելը որպես կանոն արվում էր հատուկ հախարակի, սնիվի վրա: Դեռևս հեղինաստական շրջանում հայտնի՝ ապակին փորագրելու և հղկելու տեխնիկան լայն տարածում է գտնում հատկապես մթ. II—IV և հաջորդ դարերի ապակեգործության մեջ: Հղկված, տաշած զարդերը, որոնք վաղ ժամանակաշրջանի անոթների վրա ունեն ավելի պարզ բնույթ, ժամանակի ընթացքում դառնում են բազմա-տեսակ և բարդ. տեխնիկական տեսակետից կատարյալ հմտություն պահանջող:

Հայաստանի տերիտորիայում գտնվել են նման տեխնիկայով մշակված անոթների նմուշներ, հատկապես բեկորներ, սակայն տվյալ խմբի գերագույն մի օրինակ է № 76 սրվակը, պատրաստված կաթնավուն, հաստ ապակույց, որի հղկած ու փորագրի զարդերը է՛լ ավելի են ընդգծում նրա մեծ արժեքը:

Ազակեղենի առանձին խմբերի պատրաստման վայրը որոշելը, ինչպես տեսանք, կապված է բավական մեծ դժվարությունների հետ և միշտ չէ, որ հնարավոր է գոհացուցիչ վերջնական լուծումներ առաջարկել: Նույն դժվարությունները ծագում են նաև հղկած և փորագրած զարդերով անոթների արտադրության կենտրոնները որոշելիս: Այնուամենայնիվ վերահիշյալ անոթի ինչպես ձևը, այնպես էլ զարդերը գուլահեղներ ունեն Արևմտյան Եվրոպայի ապակեգործական արտադրանքի մեջ և մոտենում են նրա ապակեղենի հոնոսյան նմուշներին:

Ապակու արտադրությունը շուտով հարստացավ մի կարևոր նորամուծությամբ՝ սկսեցին օգտագործել հատուկ կաղապարներ, որոնց մեջ փշում էին անոթները: Փշման տեխնիկայի այս կատարելագործումը է՛լ ավելի նպաստեց ապակեգործության ծավալմանը. ինչպես և նոր հնարավորու-

քյուններ ընձեռեց անոթների հարդարման համար: Հայաստանում գտնված կաղապարի մեջ փշված անոթների ուսումնասիրումը ցույց է տալիս, որ նրանց պատրաստման ժամանակ կիրառվել են ամբողջական, երկփեղկ և նույնիսկ եռափեղկ կաղապարներ: Ամբողջական կաղապարները հավանաբար փայտյա կին լինում, վերևի մասը լայն, ներքևի՝ նեղ. պատրաստի անոթը հեշտությամբ դուրս հանելու համար:

Անոթների մեծ մասը պատրաստված է երկփեղկ կաղապարների մեջ: Այդ երևում է մակերևսի վրա եղած, անոթը՝ երկու ավել կամ պակաս հավասար մասի բաժանող ուղղահայաց կարից: Մի անոթի վրա պարզորոշ նշամարդոկ երեք կարերը ապացույց են, որ այն պատրաստելիս օգտագործվել է եռափեղկ կաղապար:

Հայաստանում գտնված կաղապարի մեջ փշված ապակեղենը աչքի է ընկնում ոչ միայն առանձին անոթների տարբեր ձևերով, այլև կաղապարից նրանց պատերի վրա դրոշմված զարդերի բազմազանությամբ: Այդ ցույց է տալիս, որ օգտագործվել են ամենատարբեր զարդամոտիվներ վերարտադրող կաղապարներ. ներսից հարք պատեր ունեցող կաղապարների կողքին օգտագործվել են նաև ուռուցիկ զարդեր դրոշմող կաղապարներ: Վերջինները ներսից ունենում էին փորագրի կամ ներհկված դրոշմամոտիվներ և հորիզոնական ակոսիկներ, զալարած և շեղանկյունաձև զարդերից կազմված հորիզոնական գոտիներ, տարբեր ձևի անոթների, շրջանակների ուռուցիկ պատկերներ, կոնաձև ելուստներ և այլն: Անկանք սրվակի ուռուցիկ իրանի հակադիր կողմերի վրա դրոշմված են կնոջ դեմքը բավականաչափ ցայտուն կերպով վերարտադրող պատկերներ:

Ինչպես արդեն տեսանք, ապակեղենի գերակշռող մասը հայտնաբերվել է դամբարաններում: Այն բոլոր դեպքերում, երբ պահպանվել են դամբարանների ուսումնասիրման հնագիտական կանոնները, ապակյա անոթների թվագրումը նկատելիորեն դյուրին է: Ուղեկցող նյութերը՝ կնիքներ, կավանոթներ, մետաղյա իրեր, հաճախ էլ շափով են կողմնորոշում հետազոտողին

ապակեղենի նիշտ թվագրման հարցում: Այս տեսակետից անհամեմատ մեծ նշանակություն ունեն դրամները, քեև պետք է ասել, որ ապակյա անոթների հետ գտնված դրամների թիվը այնքան էլ մեծ չէ: Այնուամենայնիվ հռոմեական (Օգոստոս, Լուկիոս Վերուս) և սասանյան (Արտաշիր I) դրամների օգնությամբ հնարավոր է առանձնացնել ապակյա անոթներ, որոնք բավականին մեծ նշությամբ թվագրվում են մ.թ. I, II և III դարերով: Բայց և այնպես, դամբարանային ծագում ունեցող ապակեղենի նշանակալից մասը, կամ Գառնի ամրոցի անտիկ շերտում գտնված բեկորները թվագրվում են մոտավոր նշությամբ միայն, էլ չենք խոսում պատահական գլուխների մասին: Հետևապես ապակեղենի ավելի ստույգ թվագրումը մնում է ստանալ բուն իսկ անոթների ուսումնասիրությունից՝ լսվ թվագրված ծանոթ նյութերի հետ համեմատության մեջ դնելու հանապափական: Այդ եղանակով հնարավոր է դառնում Հայաստանի անտիկ ապակեղենը ժամանակագրական ավելի որոշակի տարբերակման ենթարկել ըստ դարերի (մ. թ. I—IV դարեր): Այսպես, մ.թ. I դարով կարելի է թվագրել ազատ փշման եղանակով պատրաստված կոլբայսձև մի շարք սրվակներ, կոլբայսձև փոքր սրվակների մեծ մասը, զնդաձև անոթների մի մասը: Ամենայն որոշակիությամբ նույնպես I դարին են վերաբերում կաղապարի մեջ փշված մի շարք սրվակները, անոթների ուռուցիկ պատկերներով սրվակները, ձվաձև երկկանթանի անոթների (սմֆորիսկների) բոլոր տեսակները, ակոսիկներով զնդաձև անոթների մի մասը, սմֆորաձև անոթը՝ ուղղահայաց ակոսիկներով, ութանիստ երկկանթանի անոթները: Մ.թ. II դարով են թվագրվում ազատ փշման եղանակով պատրաստված զնդաձև անոթները՝ ցածր կլորացող կանթերով, ամֆորա-

¹ Ճիշտ է, Օգոստոս կայսրի դրամները առանձին դեպքերում հարատևում են մինչև մ. թ. III—IV դարերը, սակայն Գառնիում հայտնաբերված Օգոստոսի դրամներ պարունակող դամբարանների ուսումնասիրությունը, նաև դրանց մեջ հանդիպող ապակյա անոթների դուզահոնները ցույց են տալիս, որ այդ դամբարանները թվագրվում են I կամ առավելագույն II դարով:

օն Երկկանքանի անոթները, քասի բեկորը: Կաղապարի մեջ փշված օրինակներից՝ արմավի նման անոթները, կանացի դեմքերով անոթը, ֆառանիստ մի կանթանի անոթը:

Մի շարք սրվակներ հնարավոր է լինում րվագրել ավելի ընդհանուր՝ առաջին երկու դարերով, այդ թվում կոլբայաձև սրվակների մեծ մասը, մի շարք գնդաձև իրանով փոփր սրվակները, ներհկված կողերով սրվակների մի մասը: Կաղապարի մեջ փշված սրվակներից մ.թ. I—II դարերով են թվագրվում ձվածիր իրանով երկկանթանի անոթները՝ հորիզոնական ակոսիկներով, լայնացող շուրթերով կաթնագույն թասը և այլն:

Նորոգ դարին են վերաբերում՝ աղատ փշման եղանակով պատրաստվածներից տանձաձև մեկ անոթը՝ հախարակի վրա տաշված զարդերով, վերադիր ցանցաձև զարդերով թասը: Կաղապարի մեջ փշված անոթներից պետք է հիշատակել վեցանիստ անոթը: Անոթների ավելի ստվար խումբ հնարավոր է թվագրել նույնպես ընդհանուր ձևով II—III դարերով. օրինակ. երկսրավիզ սրվակը, փորագիր զարդերով գնդաձև երկկանթանի անոթները, ներհկված կողերով մեկ կանթանի անոթը, վերադիր զարդերով մի ֆանի անոթներ: Կաղապարի մեջ են փշված այս նույն դարերին պատկանող կոճաձև ուտուցիկ զարդերով գնդաձև սրվակները. գլանաձև սրվակը:

Մ.թ. III—IV դարերով կարելի է թվագրել փորագիր գոտիներով գնդաձև մեծ անոթը, ներհկված կողերով սրվակները, վերադիր զարդով մեկ կանթանի սրվակը, կնիքելու միջոցով արված ուտուցիկ զարդեր ունեցող անոթները, տանձաձև կարճավիզ սրվակը: Նույն ժամանակի՝ կաղապարի մեջ փշվածներից են կոճաձև ելուստներով հարդարված տանձաձև անոթի բեկորները, գնդաձև ուղղահայաց սկոսներով անկանթ անոթները: Վերջապես IV դարով և V դարի սկզբով են թվագրվում հղկված զարդերով անոթի բեկորները, գնդաձև իրանով՝ դեպի վեր լայնացող վզով սրվակները: Կաղապարի մեջ է փշված տանձաձև իրանով, ուղղահայաց սկոսներով անոթը, որը նույնպես այս ժամանակաշրջանին է վերաբերվում:

Հայաստանում հայտնաբերված անտիկ ժամանակաշրջանի ապակեղենի ուսումնասիրությունը ցույց է տալիս, որ այն մեծ մասամբ ներմուծված է, ընդ որում պարզվում են նաև նրա արտադրության հիմնական կենտրոնները: Միաժամանակ այն թույլ է տալիս խոսելու տեղական սպակեզործության առաջին նմուշների մասին: Ինչպես րվագրման հարցը որոշելիս, այստեղ ևս ուսումնասիրման հիմնական մեթոդը զուգահեռներն են ու համեմատությունները:

Հայաստանում մինչև օրս դեռ չեն հայտնաբերվել անտիկ ժամանակաշրջանի ապակեզործական արհեստանոցներ, թեպետ նրանց գոյության մասին եղած առաջին տվյալները անուղղակիորեն կարելի է փառել պրակում ուսումնասիրման նյութ դարձած իրերից: Հին կամ հելլենիստական դաշաշրջանում սոցիալ-տնտեսական և ֆառաֆական զարգացման համեմատաբար բարձր մակարդակի հասած Հայաստանը, իր աչքի ընկնող ֆառաֆային կյանքով, արհեստներով ու առևտրով, անկասկած նյութական և տեխնիկական բոլոր հնարավորություններն ուներ ապակեղենի արտադրությունը տեղում կազմակերպելու համար: Դրան նպաստում էին նաև Հայաստանի տարբեր վայրերում առկա կվարցիտային ավազները, որոնք, ինչպես հայտնի է, ապակեզործության հիմնական հումքն են: Հայաստանում գտնված մի շարք սրվակների համեմատական ուսումնասիրությունը ամենայն ակնհայտությամբ ցույց է տալիս նրանց տարբերությունը անտիկ աշխարհի նույնատիպ անոթներից: Հայաստանի տերիտորիայում հայտնաբերված մի շարք անոթների տարբերիչ գծերը հիմք են տալիս դրանք տեղական արտադրանքի արգասիք համարելու: Այդ հավասար չափով վերաբերվում է ինչպես ազատ փշման եղանակով, այնպես էլ կաղապարի օգնությամբ պատրաստված սրվակներին (կոլբայաձև սրվակներ ձվաձև իրանով, ներհկված կողերով մի շարք անոթներ, ուղղահայաց սկոսներով գնդաձև կարճավիզ անոթներ և այլն): Ուրանիստ սրվակը, որի պատրաստումը ապակեզործին լուրջ հաջողվել և փաստորեն արտա-

դրական խոստան է, դժվար քե դրսից ներ-
մուծված լինեն: Հայաստանում և մասամբ
Անդրկովկասում գտնվել են ձվածե ամֆո-
րիսկներ, որոնց իրանի մեջտեղով անցնող
հորիզոնական գոտին զարդարված է շե-
ղանկյուններով: Այս ամֆորիսկները, սի-
րիական հանրահայտ և Հայաստանում
նույնպես տարածում գտած նույնատիպ
անոթների ընդօրինակությունն են:

Հայաստանից և Անդրկովկասից դուրս
շեղանկյուններով նման անոթ գտնվել է
Մեկ հատ, այն էլ Սիրիայում: Բացառված
չէ, ուրեմն, որ այս տիպի անոթներ արտա-
դրվել են նաև Հայաստանում:

Տեղական ապակեղենին կարելի է վե-
րագրել նաև ներկված կողերով մի շարք
անոթներ, առանձին սրվակներ, ձվածե
իրանով կոլբայածե սրվակներ, ուղղահա-
յաց ակոսիկներով զնդածե անոթներ և այլն:
Հայաստանի տարբեր վայրերում հայտնա-
բերված ձվածե իրանով, ինֆնատիպ ձևի
կոլբայածե սրվակները (№ № 43—56) փոքր
տարողություն ունեն, ընդհանուր ձևերով ու
չափերով քիչ են տարբերվում միմյանցից,
բնորոշ գույնը կանաչավունն է: Այս սրվակ-
ների տարածման շրջանակները դուրս չեն
գալիս Անդրկովկասից, սակայն Հայաստա-
նում հայտնաբերվածներն առանձին գծերով
տարբերվում են Վրաստանում և Ադրբեյջա-
նի այժմյան տերիտորիայում գտնվածնե-
րից: Գնդածե իրանով, ուղղահայաց ակո-
սիկներով և կաղապարի մեջ փշելու եղա-
նակով պատրաստված փոքր սրվակներին,
որոնց մեծ մասը հայտնաբերվել է Վաղար-
շապատում, բնորոշ է բաց կանաչավուն
գույնը (№ № 136—145): Մրանֆ ևս ընդ-
հանուր առմամբ նման են և չնայած ձևի,
վզերի ու պսակների միջև եղած որոշ տար-
բերություններին, կազմում են մի ինֆնա-
տիպ և հավանաբար տեղական խումբ:

Հայաստանում ապակու արտադրության
կազմակերպումը բացառված չէր և հավա-
նաբար սյն առնչվում էր Սիրիայի հետ,
մանավանդ, որ Հայաստանի կապերը այդ
երկրի հետ հայտնի են հնուց ի վեր և
ավելի սերտացան Տիգրան Մեծի ժամա-
նակներից սկսած:

Անտիկ աշխարհում եղել են ապակե-

գործ շրջիկ վարպետներ, որոնք ապակու
արտադրություն են կազմակերպել տարբեր
երկրներում, ուր դրա համար պայմաններ
կային: Հայտնի է, որ էնեոնը՝ հին աշխար-
հի հռչակավոր ապակեգործը իր արհեստա-
նոցի բաժանմունքներն է ունեցել զանազան
վայրերում, իսկ կյանքի վերջին տարիներին
Բոլոր արհեստանոցները տեղափոխել է
կայսրության մայրաքաղաք: Շատ հնարա-
վոր է, որ սիրիական ապակեգործ վարպետ-
ներից մի քանիսը հաստատված լինեն նաև
Հայաստանում:

Հայաստանը մ. թ. առաջին դարերում
Առաջավոր Ասիայի տնտեսապես զարգացած
երկրներից մեկն էր, ուստի չէր կարող չու-
նենալ արտադրության այնպիսի մի կարե-
վոր հյուս, ինչպիսին ապակեգործությունն
էր: Դեռևս մթա I դ., Տիգրան Մեծի օ-
րոք, հելլենիստական մի շարք երկրների
թվում նվաճվեցին նաև Սիրիան, Փյունի-
կիան, որոնք սպակեգործության խոշոր
կենտրոններ էին: Սելևկյանների մայրա-
քաղաք Անտիոքը, Սիրիայի ամենակա-
րևոր առևտրական կենտրոնը մի պահ
դարձավ Տիգրանի զահանգիստ քաղաք-
ներից մեկը: Բացի այդ, Տիգրանը և նրա
հաջորդ Արտավազդ II-ը հելլենիստական
քաղաքներից մեծ թվով մարդիկ տեղափո-
խեցին Հայաստան՝ իրենց խոշոր քաղաքնե-
րում բնակեցնելու համար: Հնում առևտրա-
կաններին և արհեստավորներին նախա-
պատվություն էր տրվում: Հայտնի է, որ
քաղաքներում տեղավորված այս գաղթա-
կանները մեծ դեր էին խաղում Հայաստա-
նում որպես առևտրականներ ու որակյալ
արհեստավորներ: Հավանաբար նրանք ևս,
ինչպես ընդունված էր Պոնտոսի, Կապա-
դովկիայի կամ Պարթևական քաղաքնու-
թյան մեջ, օգտվել են հատուկ իրավունքնե-
րից ու արտոնություններից:

Ի վերջո շատ կարևոր է հիշատակել վաղ
միջնադարյան պատմիչ Ագաթանգեղոսի
վկայությունն այն մասին, որ Վաղարշա-
պատում III դարի վերջերին գոյություն
ունեն ապակեգործական արհեստանոց:

Այս ամենով հանդերձ, միանգամայն
որոշակի կարելի է ասել, որ Հայաստանի
անտիկ ապակու մեծ մասը ներմուծվել է:

Այդ ապակու ուսումնասիրությունը, անտարակույս, ցույց է տալիս, որ Հայաստանին ապակեղեն մատակարարողը գերազանցապես Սիրիան էր, Սիրիայի ապակեգործական կենտրոնները: Այդ հանգամանքը պատահական չպետք է համարել, քանի որ Սիրիան, Փյունիկիայով հանդերձ, անտիկ աշխարհի ապակեգործության սմենահռչակավոր կենտրոններից մեկն էր: Ամենայն հավանականությամբ, այստեղ, գուցե և Սգիպտոսում, երևան եկան ապակեգործության տեխնոլոգիայի մեջ հեղաշրջում կատարող երկու մեծ հայտնագործությունները՝ ազատ փչելու և կաղապարի մեջ փչելու եղանակով ապակեղենի պատրաստումը: Այս հայտնագործությունները ապակեգործությունը խիստ անձուկ շրջանակներից դուրս բերեցին մասսայական արտադրության հանապարհ: Սիրիական ապակին սկսեց ողողել աշխարհը: Հայաստանում հայտնաբերված ապակեղենի մի շարք նմուշների ընդհանուր ձևերի և զարդերի համարյա կատարյալ նմանությունները Սիդոնում, Դուրա-Նվրոպոսում և սիրիական այլ կենտրոններում արտադրված անոթների հետ տարակույս չեն թողնում նրանց սիրիական ծագման վերաբերյալ:

Հայաստանում հայտնաբերված սիրիական ապակեգործության առավել ցայտուն նմուշները՝ կաղապարի օգնությամբ արտադրվող սիդոնյան բնորոշ սրվակները, անտիկ աշխարհի հայտնի ապակեգործ էներնի միջավայրում պատրաստած սմֆորիսկները, ուղղահայաց ակոսիկներով զնդած

մի կանթանի անոթները թե՛ փանակով և թե՛ կատարման արվեստով կարող են անտիկ ապակու լավագույն հավաքածուների զարդը կազմել:

Սիրիական ապակեգործության օրինակով նոր կենտրոններ ստեղծվեցին նաև մի շարք այլ վայրերում: Արդեն գործող եգիպտական արհեստանոցների կողքին այդպիսիները հանդես եկան Կիպրոսում, Լիտվիայում, Գալլիայում, հռենոսյան մարզում:

Հայաստանի հին ապակու մի փանի օրինակներ վկայում են, որ նրանց ծագման հավանական վայրերը եղել են՝ Սգիպտոսում և Կիպրոսը. քեպետ նրանք, անկասկած Հայաստան են բերվել սիրիական ապակու հետ միասին: Նրկու առաջնակարգ անոթ իրենց մի շարք առանձնահատկություններով կարծես քե կապվում են հռենոսյան շրջանի ապակեգործական արտադրանքի հետ, բայց նրանց Հայաստան բերվելու, ներմուծվելու հանգամանքները և հանսպարհները դեռևս կարոտ են լուսաբանության:

Մեծ փանակությամբ սիրիական ապակու հայտնաբերումը Հայաստանի հին ամրոցներում, անգամ գյուղական բնակավայրերում և մոտ ապագայում նաև փաղափներում, միանգամայն բնորոշ և ուշագրավ է, քանի որ անդրադարձնում է հայսիրիակսուն տնտեսական և մշակութային կապերը, որոնք բավականաչափ սերտ էին ոչ միայն հին կամ անտիկ դարաշրջանում, այլև վաղ միջնադարում: